

Il cuolm en moviment

Discussiun ell'Ustria Steila a Siat

DA GIUSEP VENZIN / ANR

■ L'Ustria Steila ei stada fullanada la mesjamna sera. Ils referents da num e pum han carmalau ed il telol della discussiun aunc dapli. «Il cuolm en moviment ha procurau per tempa. Dalla relaziun dil marcau e la cuntrada, dil bagheggiar, dil turissem e dalla formaziun han ils dus professors ed architects G. Antoni Caminada e Daniel Kündig discurriu cun Theo Schaub, igl interprendider e possessur dall'Ustria Steila a Siat. Chasper Pult ha menau la discussiun ch'ei stada onz filosofica. «Il bagheggiar ellas muntognas duei caschunar creazion da valur cuzzonta» ein ils experts stai dil meini ed ein el medem moment stai cunsients che quei ei buca propi il cass. Chasper Pult ha numnau in dils exempls. A S. Murezi e contourn hagien 340 casas e habitaziuns da vacanzas duvraru negina energia ils davos onns. Reto Gurtner, el ei staus in dils hosps prominentes alla discussiun, ha numnau quei letgs schelentai. Igl um che procura actualmein per ina «revoluziun al cuolm» critichebesch dapi onns las casas ed habitaziuns da vacanzas che laschien alla regiun memia pintga creazion da valur. Cun tesas provontas ha Chasper Pult daut anim alla discussiun. El ei sedumandaus co ins sappi impedir la realisaziun da resorts planisai dapertut. El ha numnau sco exempl il resort planisau a Rueras: «Quei ei stuorn. Bagheggiar in resort e spitgar sillas miulas da Sawiris.» Ils resorts daventien las ruinas dalla proxima generaziun. Il svilup seigi paradox: «La



Ils participants alla discussiun da podi. Da seniester: Theo Schaub, Daniel Kündig, Chasper Pult e Gion A. Caminada.

FOTO G. VENZIN

substanza dalla quala il turissem profitecha vengn aschia destruida.»

Normalitat radicala

«Ina casa ch'ins capescha buc, ei adina ina casa plein tensiun.» Gion A. Caminada ha declarau la funcziun dalla casa cugl exempl pel dall'Ustria Steila. «In local buca surveiwal caschuna conflics», ha el manegiau

ed ha fatg il sbagat dil bagheggiar ella politica menziunond las fusiuns da vischau. Quellas stoppien sveglier igl interest per la politica. Igl architect professor giavischera era culla fusuni la responsabladad per ils spazis pigns. «Funcziun local, denton persequitar tgei ch'il mund exterior fa.» Daniel Kündig, il secund architect professor, ei president dall'Union

svizra dils architects SIA cun rodund 15 000 commembers. El ha plidau en favur dalla pluralitat culturala. Sil sectur dalla construcziun existi quella buc ella Bassa. La pressiun sil sectur d'immobilias ella aglomeraziun seigi enorms.

Senza plan

La Svizra hagi buns instruments da pla-

nisaziun, mo l'execuziun seigi munglusa. Daniel Kündig e Gion A. Caminada han critica la munconza dalla visiun co la Svizra dueigi veser ora.

«Tgei cuntrada lein nus e tgei marcaus?» ei Daniel Kündig sedumandaus. Sche la Svizra subvenziuneschi ils pendularis stoppien ins buca sesmarveglier sche las vias seigien stupendas. «La debatta sto vegnir menada en ina autra fuorma.»

Igl architect da Vrin ha dau da sa-ver che buca sulet la Bassa piteschi dil squetsch sil sectur d'immobilias, era en Val Lumnezia seigi quei il cass.

El ha inagada dapli giavischau da buca bagheggiar sulet per atgna finamira, mo-bein per gudogn da tut.

«Gopfriedstutz»

Ella discussiun ein las qualitads e valurs dil territori muntagnard vegni menzianai differentamein. La discussiun cuorta cugl auditori ha menau spert dalla dialectica alla realitat. «Daco banduna nossia giuentetgna la vallada sche las muntognas han talas valurs», ei Pius Truffer, igl impressari da Val, sedumandaus ed ha puntuau sia damonda cun in «Gopfriedstutz». «Nos giuvens ein buca fascinai da viver ella muntogna, els scappan.»

La risposta ha Gion A. Caminada dau: «Ils menaschis pigns pon buca frenar l'emigratiun.» El ha plidau en favur da pli gronds projects e numnau la cascharia a Mustér in tal. Tuts ein denton stai dil meini ch'il marcau carmalii cun sia purschida e sia «gronda libertad».

Valurs durables

Theo Schaub giavischera dapli interprendiders curaschus

CUN THEO SCHaub
HA GIUSEP VENZIN / ANR DISCURRIU

■ Igl interprendider Theo Schaub da Turitg e hosp da vacanzas a Siat ha bagheggiu leu l'Ustria Steila tenor ils plans digl architect da Vrin Gion A. Caminada. Il vitg da Siat ei daventaus la secunda patria digl interprendider cun 100 collaboraturs ed el s'engascha era enteifer l'unun Pro Siat pil vitg cun strusch 200 habitants.

Vus s'engascheis a Siat per ina relaziun frigeiva denter il marcau e la cuntrada. Ha quei in motiv fundau?

Theo Schaub: Jeu giavischel ina collaboraziun denter il marcau e la cuntrada

senza polarisaziun. Quei giavischel jeu el sectur politic sco el sectur economic. La polarisaziun ei mai da gudogn.

Culla realisaziun dall'Ustria Steila haveis Vus tschentau in ferm tiern a Siat. Ei quei tiern renconschius? Tgei effect spitgeis vus dil project?

L'acceptanza dall'ustria ei tier la populaziun indigena bona, mo era ordvart ei l'ustria renconuschida. A liunga vesta spetgel jeu success e creazion da valur durabla. Quei mutta era plazzas da lavor.

Alla discussiun dalla mesjamna ella Ustria Steila ein il potenzial e las fleivlezias dil territori muntagnard vengn numnai. Soluziuns per dumis-

gnar las fleivlezias han ins denton strusch udiu. Nua schai il potenzial?

Biaras regiuns muntagnardas han aunc buca fatg ils sbags fatgs ellas aglomeraziuns, quei oravontut sil sectur da construcziun. Ina das fleivlezias ei la munconza d'interprendiders curaschus. Quels drovi dapli per dar alla regiun valurs durables. Ei drova bunas cundi-ziuns da rama, mo enteifer quellas drovi era interprendiders curaschus che realischan projects.

Las Alps muntavan avon 50 onns agricultura ed oz turissem. Il turissem vengn sco l'agricultura era subvenziunaus parzial. Impedeschan las subvenziunaus buca l'atgna iniziatiiva?

Jeu sai buca giudicar con ch'il turissem vengn subvenziunaus. Jeu hai denton capientischa ch'il stadi tschenta cullas subvenziunaus cundiziuns da rama pil turissem. Quei sa era esser positiv.

Pius Truffer ha numnau alla discussiun il problem. La giuentetgna emigrescha els marcas, quei malgrad la bona qualitat da viver ellas muntognas. Ei quei buc ina declaranza da bancrut?

Sco declaraziun da bancrut vi jeu buca taxar ses plaids. Sin sia constataziun datti ina risposta: La Surselva drova in agen center urban e quella rolla sto Glion giugar.

La funcziun da centrum dil marcau da Glion vengn dubitada. Ei quella funcziun aschi impurtona?

Quella funcziun ei schizun fetg impurtona. Sche Glion gioga meglier quella rolla, datti strusch in argument dad ir a Cuera a far cumissiuns ed au-ter. Glion ha massa projects, mo ei succeda pauc. Strusch enzatgei vengn realisau.

Siat ei alla tscherca d'in president communal. Steis Vus a disposiziun per quei uffeci?

Jeu sun sefatschentaus da quei. La vischau da Medel ha in president communal che lavura e viva ella Bassa ed a Curaglia. Jeu crei d'esser capavels avunda d'ademplir igl uffeci, mo quei ei buca mia intenziun. Mia rolla el vitg da Siat ei ina autra.

Culla fusuni cun Glion perdes Siat ina part da sia autonomia. Mass



Theo Schaub

FOTO G. VENZIN

aschia buc era ina part dalla atgna responsabladad a piarder?

Sche Siat ei cunsients da siu agen potenzial, lu ei era ina fusuni negin disavantatg. L'unun Pro Siat ei cunsciente dallas valurs. Ella ei ina uniu politicamente neutrala cun 250 commembers. Tier ina fusuni giugass l'unun la rolla d'ina uniu da quatier. Enteifer Glion plus fuss ella la pli gronda uniu da quartier.

TALUN D'EMPUSTAZIUN

LA QUOTIDIANA

Jau abunesch La Quotidiana

- 2 mais frs 25.– (abunament d'emprouva)
- 6 mais frs 86.–
- 12 mais frs 163.–
- 24 mais frs 293.–

Num _____

Prenum _____

Adressa _____

NP/Lieu _____

Data _____

Suttascriziun _____

Tel.-Nr. _____

P. pl. tramerter a:

Südostschweiz Presse AG
Servetsch d'abunaments
Via da la Caserna 1
7007 Curia
Empustaziun telefonica:
081 255 55 00